

# Alkitab Buat Bocah Nampilin

Yesus Ngasih  
Makan 5000 Orang



Nyeng nulis: Edward Hughes

Nyeng bikin gambar: Janie Forest  
Alastair Paterson

Nyeng nyocokin: Ruth Klassen

Nyeng terjemahin: Matheus Nalih Ungin


Dibikin buat: Bible for Children  
[www.M1914.org](http://www.M1914.org)

©2023 Bible for Children, Inc.

Perijinan: Enté boleh ngegandain atau nyetak ini cerita,  
selama enté kagak ngejualnya.



Pemimpin agama (disebut orang Farisi) bilang boong soal Yesus. Bisa jadi beberapa dari mereka nyoba buat ngebunuh Yesus.



Mereka kaga percaya kalo Dia bener-bener Anak Allah. Mereka kaga nerima Dia meski Dia ngerjain banyak mujizat nyeng ngebuktiin kalo Dia itu Anak Allah.




Satu ari, Yesus nyebrangin Danau Galilea. Bisa jadi Dia butuh waktu buat ngasoh sebentar dari kerumunan banyak orang nyeng selalu ngumpul ngerubutin Dia. Tapi orang banyak bisa nemuin Dia. Mereka tau kalo Yesus ngerjain mujizat-mujizat nyeng hebat. Mereka pengen terus ada sama- sama Dia.




Yesus ngajak murid-muridnya buat naek ke atas gunung dan duduk disitu dimana Dia duduk buat ngajar. Mangkin banyak aja orang pada dateng. Wayahnya makan. Tiap orang pasti ngerasa lapar.



Yesus ngeliat kerumunan orang banyak itu. "Dimana kita bisa beli roti, buat mereka makan?" Dia nanya sama Filipus. Di sekiteran itu kaga ada nyeng jual makanan. Rencana apa nyeng bakal dikerjain Yesus?



"Pasti butuh duit banyak buat ngasih makan semua orang ini," saut Filipus sama Yesus. Yesus ama murid-muridnya kaga punya banyak duit.







Murid nyeng  
laen, Andreas  
(sodara Simon Petrus)  
bilang sama Yesus:  
"Di sini ada bocah kecil,  
nyeng punya lima roti  
selei ama dua ikan  
kecil..."



"...tapi kaga ada artinya buat orang sebanyak ini?"  
Andreas kaga tau pegimana makanan bocah itu bisa  
nyukupin buat ngasih makan orang sebanyak itu -  
meski bocah itu pengen ngasih makanannya buat  
Yesus.




Yesus bilang, "Suruh orang-orang itu pada duduk." Lantas orang-orang itu pada duduk, segerombol-segerombol ada kira-kira lima ribu orang. Wow! LIMA REBU ORANG! Itu belon diitung perempuan ama bocah nyeng ngerumun di sono juga.



Lantas, Yesus ngambil roti selai ama ikan itu. Bocah kecil itu percaya ama Yesus. Dia kaga tau ngapah Yesus pengen makanannya, atawa apa nyeng pengen dikerjain Yesus ama makanannya itu. Bisa jadi dia pikir, "Kalo aku kasih bekel makananku, aku kaga bakalan bisa makan." Tapi ia tetep ngasih juga sama Yesus.




Lantas, Yesus  
sembahyang. Dia  
ngucap syukur sama  
Tuhan. Buat lima  
roti ama dua ikan?  
Iya! Yesus, "Ngucap  
syukur," sama Tuhan  
dan minta Dia  
ngeberkatin  
makanan itu.




Abis sembahyang, Yesus motong-motong roti ama ikan itu lantas dikasih ke murid-muridNya supaya dibagiin sama orang banyak itu. Itu wayahnya orang-orang itu ngeliat mujizat nyeng dikerjain Yesus. Tiap orang makan sampe kenyang. Tapi roti sama ikan kaga abis.



Abis semua orang pada makan, masing banyak roti ama ikan nyeng nyisa. "Kumpulin potongan-potongan nyeng sis biar kaga ada nyeng kebuang." Yesus bilang sama murid-muridNya. Mereka kumpulin sampe dua belas bakul potongan-potongan roti ama ikan, sisa makanan nyeng udah mereka makan.



Ari itu, Yesus ngasih makan lima rebu orang sama bekel makanan bocah laki-laki. Di kesempatan laen, Dia ngasih makan empat rebu orang sama tujuh roti selei ama sedikit ikan.





Kalo orang-orang biasa ngeliat tanda-tanda itu, mereka kaga marah kaya orang-orang Farisi. Malahan mereka bilang, "Dia ini bener-bener nabi nyeng bakalan dateng ke dalem dunia."



# Yesus Ngasih Makan 5000 Orang

Sebuah cerita dari perkataannya Tuhan, Alkitab

Ditemuin di

Yohanes 6

"Palang pintu Firman Engkau ngasih terang."  
Mazmur 119:130



Tamat



Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

